



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

I. De capitulis prouincialibus abbatum ac aliorum praelatorum.

urn:nbn:de:hbz:466:1-15974

- ANNO CHRISTI 1274.
- XIX. De ueneratione patrum sue patronorum. XXII. De captiuatione episcoporum seu monachorum.
- XX. De confessione religiosorum. XXIII. Ne clerici sumant ecclesiastica beneficia de manibus laicorum.
- XXI. De correctione religiosorum, aut aliorum monachorum. XXIV. De aduocatis ecclesiarum.

PRÆFATIO.

Ad honorem & gloriam sponsæ Christi, & fidei Christianæ. Nos Dei gratia * F. sanctæ Saltzburgerensis ecclesiæ archiepiscopus, apostolicæ sedis legatus, Leo, Petrus, Bruno, Vvernhardus, & Ioannes Ratisonensis, Patuuiensis, Brixinensis, Secouvensis, & Chimensis ecclesiarum episcopi, in prouinciali hoc sancto Concilio congregati, de consilio venerabilium prælatorum Saltzburgerensis prouinciæ, qui præsentem interfunt Concilio, absentium etiam fratrum tam episcoporum quam aliorum prælatorum accedente consensu, diffiniendo præcipimus, ut episcopi, abbates, archidiaconi & alii ecclesiarum prælati, statuta sacri generalis Concilii celebrati proxime in Lugduno, in ecclesiis & subditis suis clericis & laicis, secundum quod eadem statuta istis & illis conueniunt, & quantum eos tangunt, sic solcite & frequenter studeant publicare, ut ipsorum * pronuntiantium & subditorum memoriæ & obseruantia imprimantur. Sed & constitutiones uenerandæ memoriæ quondam domini Guidonis, tituli sancti Laurentii in Lucina presbyteri cardinalis, in prouincia Saltzburgerensi apostolicæ sedis legati; quæ licet ecclesiarum utilitatem contineant, & salutem suadeant animarum, in dissuetudinem transferunt, cum prædicti generalis Concilii ordinationibus & statutis, nec non & his quæ pro utilitate locorum & temporum in hoc prouinciali Concilio apponentur a nobis, ad notitiam subditorum taliter deducantur, ne quemquam totius prouinciæ probabilis error ac ignorantia valeat excusare.

Statuta sacri Concilii Lugdunensis publicentur.

Item constitutiones domini Guidonis cardinalis sancti Laurentii in Lucina.

Item prouincialis huius Concilii.

CAPITVLA.

I.

Cum abbates ordinis sancti Benedicti Saltzburgerensis prouinciæ capitula sua prouincialia lon-

Abbates sancti Benedicti celebrent capitula prouincialia.

Eccc iij

gis retro temporibus non curauerint celebrare, propter quod circa regulares obseruantias idem ordo non mediocriter est collapsus, nos eisdem abbatibus nostræ prouinciæ firmiter & districtè præcipiendo mandamus, vt prouinciale capitulum suum infra festum resurrectionis venturum proximo celebrent, iuxta formam a sacris Canonibus eis datam. In quo de moribus corrigendis, tam in seipsis quam in suis subditis, tractent & ordinent diligenter: alioquin nos in proximo prouinciali Concilio ad reformationem prædicti ordinis, quantum de iure possumus, procedemus.

II.

Exnunc tamen eisdem abbatibus præcipimus & mandamus, vt monachos fugitiuos in sæculo diuagantes reuocari procurent. Et quod in singulis monasteriis carcer fiat, in quo incorrigibiles seu alias delinquentes enormiter monachi, prout culpæ qualitas exigit, recludentur. Sed nec licitum sit abbatibus, cum nec vnquam licuerit, monachos ad ordinem strictiorem transeuntes minime absolueri ab obedientia, quæ monachorum ossibus inseparabiliter est affixa.

Monachos
fugitiuos
reuocent.

Carceres
construant.

Monachos
ad strictio-
rem ordinem
transeuntes
ab obedientia
non absoluant.

III.

Pro leui-
bus offensis
ad alia mo-
nasteria ab-
bates non
mittant.

Illam & prauam abbatum consuetudinem reprobamus, qua abbates pro excessibus leuibus, & nonnunquam simulatis offensis passim, & indifferenter de monasteriis ad monasteria monachos suos mittunt, cum delictum potius illic puniri & mori debeat vbi committitur & patrat, cum nec tales missi ad alia monasteria peccata sua lu-